

古本董解元西廂記

下

古本經毛西記

古本董解元西厢記 董解元撰

古典文学出版社出版

上海市書刊出版業營業許可証出零捌陸号
(上海康平路一五二弄十八号)

一联橡皮印刷厂印刷
新华书店上海发行所发行

一九五七年十一月第一版
一九五七年十一月第一次印刷
字数：四九,〇〇〇
印数：一—四,〇〇〇
开本：二四乘五四时八分之一
印张：三十二又四分之三
定价：(特)二元五角
书号：一五八

古本董解元西廂記卷第五

生戲門觀喜不自勝是誰是誰伴愁單枕翻成並
枕之歡淹泪孤衾變作同衾之樂是誰是誰乃鶯
鶯也正驚問遶何遽拒我鶯鶯答
日以杜謝侍婢之疑生擁鶯至寢

仙呂調 綉帶兒 喜相逢笑相擁抱來懷裡埋怨薄情
種遶來相見不得着言相諷今夜勞合重你也有投
遶人時姐姐睽起動傳言送簡分明許我效鸞鳳誰
知一句兒不中用甚厮迤厮逗把人調弄○鶯鶯聞
此道謝相從着笑把郎供奉耳朶兒畔盡訴苦恂臉
兒粉膩臉邊朱射香濃錦被翻紅浪最美是玉臂相
交偎香恣怜寵鶯鶯何曾改恠嬌痴侶要人潤縱丁

香笑吐舌尖兒送撒然驚覺衾枕俱空

尾 璫璫的聽一聲蕭寺擊疎鍾玉人又不見方知是

夢愁濃楚臺雲雨去無踪

疎鍾敲破合歡夢
曉角吹成無盡愁

中呂調 踏莎行 辣浪相如薄情卓氏因循墮了題橋

志錦箋本傳自吟詩張張寫遍鶯鶯字○沈約一般

潘郎無二筭來都爲相思事鶯鶯你還知道我相思

甘心爲你相思死

生自此行忘止食忘飽舉措顛倒不知所以久之
成疾太師竊知徑來問病曰佳時難得春物正妍
何事縈心致損天和
如此生日非師當問

仙呂調賞荃時過雨櫻桃血滿枝弄色的奇花紅間
紫垂柳已成綵對許多好景觸目是斷腸詩○稔色
的龐兒憔悴死欲寫相思除非天樣紙寫不盡這相
思怕愁擔恨孤負了賞荃時

尾不明白擔閣的如此欲問自家心頭事願聽我說
似這心頭橫儻箇海猴兒

大師笑曰以一女子棄其功名遠業乎生曰僕非
不達潘郎多病宋玉多愁觸物感情所不免矣師
知其不可勉但日子慎湯藥而去自是廢寢忘食
氣微嗜卧夫人想生病令紅娘問候張生聲絲氣
噎問紅娘曰鶯鶯知我病否你來後又有
甚詩詞簡帖紅娘道又來也那你又來也

高平調糖多令
光景迅如梭懨懨愁悶多思量都爲

奴哥不願深恩成間濶大抵是那少年女女也囉○
舊恨怎消磨新愁沒奈何不防憂損天和怎喫受夫
人看冷破雲雨怎成合也囉

牧羊關白日且猶自可黃昏後是甚活對冷落書齋
青熒燈火一回家和衣睡一回家披衣坐共誰閑相
守與影兒厮伴着○心頭病怎成恁麼幾日來氣微
喘卧舌縮唇乾全無涕唾鍼灸沒靈驗醫療難痊可
見恁姐姐與夫人後一星星說與呵

尾沒親熟病染沉痾可憐我四海無家獨自箇怕得
功夫肯畧來看覷我麼

紅娘亦爲之沾洒曰妾必爲郎伸意
但恐鶯鶯情分薄耳欲去生止曰

南呂調 一枝荅 紅娘將出門喚住低聲問孩兒你到

家道與鶯鶯都爲他家害得人來病咱家乾志誠不
忘他家恁地孤恩短命○我見得十分難做人待死
後通些靈聖閻王問你甚死我說實情從始末根由
說得湏教信少後三二日多不過十朝湏要您鶯鶯
償命

尾 待閻王道俺無憑誰抵死謾生斷不定也不共他
爭我專指着伊家做照證

紅娘曰休攀伴去無多時紅娘曰夫人
姐姐至矣生亦不顧但張目而已矣

大石調感皇恩張君瑞病懨懨擔帶不去說不得淒涼覷不得淒楚骨消肉盡只脊那筋脉皮膚又沒箇親熟的人擡舉○有些兒閑氣都做了短歎長噓便喫了靈丹怎痊愈儘夫人存問半餉不能言語目間淚汪汪多情眼把鶯鶯覷

鶯撫榻謂生曰兄之病危矣不識病甚願速言之

黃鍾宮降黃龍衮纏令自與兄別來髣髴十餘日甚陡頓肌膚消瘦添憔悴儘教人問當不能應對眼兒裡空恁淚汪汪地○尚未知傷着甚物直恁不能起願對着夫人一一說仔細料來想必定是些兒閑氣

自瘦得箇清秀臉兒不戲

雙聲疊韻 忬甚愁消沈圍潘髻慵梳洗眼又瞑頭又
低子管裡長出氣細覷了這病體好不忘怎下得多
應是爲我後恁地細思憶○何處疼那面痛教俺沒
理會管腹脹滿心閉塞快請箇人調理便道破莫隱
諱到這裡命將逝鶯鶯有箇藥兒善治

刮地風 生日多謝伊來問當俺縱來後何濟自家這
一場腌臢病病得來蹉蹉難服湯藥不停水米不頭
沉不腦熱脈兒又沉細知他爲箇甚喫藥後難醫
尾 妹子夫人記相識多應管命歸泉世這病說不得

悶懨懨一肚皮

鶯曰妾有小藥能治兄心間鬱悶少頃令紅娘專獻藥至生免勞謝夫人曰先生好服湯藥我且去矣生見夫人與鶯欲去生勉強披衣而起

高平調木蘭荅那張生聞得道把旋闌兒披定起來陪告東傾西側的做些腌軀老聞生沒死的陪笑○相國夫人恁但去把鶯鶯留下勝如湯藥紅娘聞語把牙兒咬怎得條白練我敢絞煞這神脚

夫人與鶯俱去生目送之

黃鍾宮降黃龍袞那相國夫人看探了張君瑞便假若鐵石心腸應粉碎子母每行不到窓兒西壁只聽

得書舍裏一聲仆地○是時三口兒轉身却往書幃
內驚見張生掉在牀脚底赤條條地不能收拾身起
口鼻內悄然沒氣

尾相國夫人道得可惜早是孩兒一身離鄉客寄死
作箇不着墳墓鬼

令紅娘救少頃稍甦令一僕馳騎入蒲請醫
人至令看其脉醫曰外貌枯槁其實無病

黃鍾宮黃鶯兒奇妙奇妙郎中疹罷嘻嘻的冷笑道
五臟六腑又調和不須醫療○又問生曰先生無病
何瘦弱如此爲箇甚肌膚渾如削張生低道我心頭
橫着這鶯鶯醫人曰我與服瀉藥

醫留湯一貼夫人賜錢二千醫退夫人曰宜以湯藥治不可自苦如此夫人與鶯既歸無人一至生日所望不成雖生何益強整衣巾以條懸棟

仙呂調六么實催情懷轉轉難存濟勞心如醉也不吟詩課賦只恁昏昏睡恰恁待才合眼忽聞人語啞地門開却見薄情種與夫人來這裡○着他方言語把人調戲不道俺也識你恁般圈圍慢長吁氣空垂淚念向日春宵月夜迴廊下恁時初見你

六么遍向荃陰底潛身立漸審聽多時方見伊端的腰兒稔膩裙衣翡翠料來春困把湖山倚遍疑沉香亭北太真妃○好多嬌媚諸餘美遂對月微吟各有

相憐意幽情未已忽觀侍婢請伊歸太朱門閉堪悲
只怨阿母阻佳期

哈哈令伊家只在香閨小生獨守書幃縱寫花箋無
人寄忍輕離也哈哈歛愁眉也哈哈

瑞蓮兒咫尺渾如千萬里誰知後來遇羣賊子母無
計皆受死難閃避恁時節是俺咱可憐見你那裡

哈哈令蒲關巡檢與我相知捉賊兵免了灾危恁時
許我爲親戚不望把心欺也哈哈好昧神祇也哈哈
瑞蓮兒刀韜得人來成病體爭如合下休相識三五
日來不湯箇水米教俺難戀世到此際兀誰可憐見

我那裡

尾把一條皂絲梁間繫大丈夫死又何悲到黃泉做箇風流鬼

雙調御街行張生是日心將碎猛把殘生棄手中把定套頭兒滿滿地兩眼兒淚思量人命也非小可果是關天地○夫人去後門兒閉又沒甚東西鶯一走至猛推開不覺勝來根底舒開刺綉彈箏手扯住張君瑞

雖云禍福無門大抵死生由命當日一場好事頃刻不成後來萬里前程遠巡有失拽住的是誰是誰紅娘也謂生曰先生惑之甚矣妾若來遲已成不救曰鶯自視郎疾歸泣謂妾曰鶯之罪也因聊

心詩戲兄不意至此如顧小行守小節
悞兄之命未爲德也令妾持藥見兄

中呂調古輪臺那紅娘對生一一話行藏俺姐姐探
君歸愁入蘭房獨語獨言眼中兩淚千行良久多時
喟然長歎低聲切切喚紅娘都說衷腸道張兄病體
汪羸已成消瘦不久將亡都回我一箇而今也怎奈
何我尋思顧甚清白救才郎當時聞語和俺也恓惶
遣妾將湯藥來到伊行却見先生這裡恰待懸梁些
兒來遲已成不救定應一命見閻王人好不會思量
試觀他此箇帖兒有些湯藥教與伊服依方修合聞
着噴鼻香久服後補益丹田助襄陽

尾一天來好事裡頭藏其間也沒甚諸般丸散寫著

箇專治相思的聖惠方

乃一短篇外封曰小詩奉呈才兄文几鶯鶯謹封
生取古鼎令添香置諸筆几之上謂紅娘曰往者
以褻慢而見責今日
敢無禮乎生遂拜之

木蘭荅急添香忙禮拜躬身合掌以手加額香煙上
度過把封皮兒拆明窓底下款地舒開○不知寫著
甚來讀罷稿幾回看來十分來的鬼病九分來痊差
紅娘勸道且寧耐有何喜事恁大驚小恠

張生遂展開讀了鶯鶯詩喜不自勝其病頓愈詩
曰勿以閑思想摧殘天賦才豈防因妾幸却變作
君灾報德難從禮裁詩可當媒高唐休詠
賦今夜雨雲來都來四十字治病賽慮醫